

**ZAPISNIK O RADU SA
24. RADNE SJEDNICE SKUPŠTINE KANTONA SARAJEVO
ODRŽANE U ČETVRTAK, 23.04.2020. GODINE SA POČETKOM RADA U 10,00
SATI (ONLINE)**

Predsjedavajući Mirza Čelik (u daljem tekstu: Predsjedavajući) je pozdravio sve prisutne na online platformi i otvorio 24. Radnu sjednicu Skupštine Kantona Sarajevo.

Izostanak sa ove sjednice opravdala je zastupnica Kerla Bibija, dok su kašnjenje najavili Konaković Elmedin, Okerić Elvedin i Duraković Jasna.

Online sjednici su prisustvovali/le zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Samra Čosović-Hajdarević
4. Aljoša Čampara
5. Mirza Čelik
6. Sabahudin Delalić
7. Mahir Dević
8. Amra Hasagić
9. Admela Hodžić
10. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Zvonko Marić
2. Dževad Poturak
3. Bilsena Šahman

DEMOKRATSKA FRONTA

1. Senad Hasanović
2. Bibija Kerla

3. Sead Milavica

NEZAVISNA BOSANSKOHERCEGOVAČKA LISTA

1. Amra Junuzović-Kaljić

BOSS-BOSANSKA STRANKA – MIRNES AJANOVIĆ

1. Haris Pleho

SAMOSTALNI ZASTUPNICI/ZASTUPNICE:

1. Damir Nikšić
2. Fahrudin Pecikoza
3. Damir Marjanović
4. Elvis Vreto
5. Jasna Duraković

Prijedlog dnevnog reda 24. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 10.04.2020.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 17.03.2020. godine, prihvatio je da se Prijedlog dnevnog reda 24. Radne sjednice, dopuni sa sljedećim tačkama:

1. Prijedlog Zakona o izmjeni i dopunama Zakona o inspekcijama Kantona Sarajevo; (razmatraće se kao tačka 2 .)
2. Prijedlog Odluke o davanju saglasnosti za potpisivanje ugovora o kupoprodaji nekretnina u skladu sa članom 23 Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj; (razmatraće se kao tačka 5 .)
3. Prijedlog Odluke o davanju saglasnosti za zaključivanje Ugovora o prenosu prava vlasništva i posjeda na nekretninama između Zavoda za izgradnju Kantona Sarajevo sa jedne strane i KJKP "Pokop" d.o.o. Sarajevo sa druge strane bez naknade; (razmatraće se kao tačka 6 .)
4. Program obilježavanja Dana Kantona Sarajevo od 02.05. do 09.05.2020. godine; (razmatraće se kao tačka 8 .)
5. Informacija o ublažavanju posljedica pandemije koronavirusa na privredu u Kantonu Sarajevo sa prijedlogom mjera; (razmatraće se kao tačka 10.)

UTVRĐIVANJE DNEVNOG REDA SJEDNICE

Na osnovu naprijed navedenog, Prijedlog dnevnog reda, 24. Radne sjednice, glasi:

1. Poslanička/zastupnička pitanja, inicijative i odgovori;
2. Prijedlog Zakona o izmjeni i dopunama Zakona o inspekcijama Kantona Sarajevo;
3. Prijedlog odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2020. godinu i na Odluku o izmjenama i dopunama Odluke o izvršavanju Finansijskog plana Zavoda zdravstvenog osiguranja Kantona Sarajevo za 2020. godinu;
4. Prijedlog odluka o dodjeli javnih priznanja Kantona Sarajevo;

5. Prijedlog Odluke o davanju saglasnosti za potpisivanje ugovora o kupoprodaji nekretnina u skladu sa članom 23 Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj;
6. Prijedlog Odluke o davanju saglasnosti za zaključivanje Ugovora o prenosu prava vlasništva i posjeda na nekretninama između Zavoda za izgradnju Kantona Sarajevo sa jedne strane i KJKP "Pokop" d.o.o. Sarajevo sa druge strane bez naknade
7. Prijedlog Programa rada SKS za 2020. godinu;
8. Program obilježavanja Dana Kantona Sarajevo od 02.05. do 09.05.2020. godine;
9. Informacija Vlade Kantona Sarajevo i Štaba civilne zaštite Kantona Sarajevo, o poduzetim aktivnostima po resorima u vezi sprovođenja mjera radi sprječavanja širenja zarazne bolesti koronavirus;
10. Informacija o ublažavanju posljedica pandemije koronavirusa na privredu u Kantonu Sarajevo sa prijedlogom mjera.

PREDSJEDAVALA JE POZVAO ZASTUPNIKE I ZASTUPNICE DA SE IZJASNE O PREDLOŽENOM DNEVNOM REDU. NAKON GLASANJA PUTEM VIBER GRUPE KONSTATOVANO JE DA JE SKUPŠTINA JEDNOGLASNO (33 „ZA”) USVOJILA DNEVNI RED ZA 24. RADNU SJEDNICU.

Kao informativni materijal zastupnicama i zastupnicima dostavljeno je sljedeće:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec februar 2020. godine;
- Izvještaj o izvršenim inspekcijskim pregledima Upravnog inspektorata Ministarstva pravde i uprave Kantona Sarajevo u toku 2019. godine.

Prije realizaciju prve tačke dnevnog reda razmatran je Zapisnik sa stenogramom sa 21. Radne sjednice, koji je dostavljen uz poziv za sjednicu, i isti je usvojen jednoglasno sa 33 glasa "za".

Realizacija prve tačke dnevnog reda počela je u 10 sati i 17 minuta.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Prva se javila zastupnica Kaljić-Junuzović Amra, koja je podnijela sljedeće: "Ja imam dvije inicijative. Moja prva inicijativa počinje ovako: pandemija COVID-19 je naše društvo uvela u stanje prijetnje za naše zdravlje i prijetnje za opću sigurnost. Shvatili smo da je to borba protiv nevidljivog neprijatelja i možemo biti zadovoljni da su većinom građani poštovali naredbe struktura koje upravljaju ovom krizom sa aspekta zdravlja i sigurnosti. Međutim, pandemija COVID-19 je pored zdravstvenih i sigurnosti izazovala i niz drugih kriza. Da podsjetimo, kriza je dubok, sveobuhvatan poremećaj u životu pojedinaca i funkcionisanju društva sa snažnim i više ili manje teškim trajnim posljedicama. Te krize su psihološke,

društvene, ekonomske, političke i druge. Stub odbrane, pojedinca i društva je zdravstveni sistem. Zdravstveni radnici i zdravstveni saradnici na individualnom nivou su u većini slučajeva u Kantonu Sarajevo odgovorno i predano pristupili organizaciji i prilagođavanju na novonastalu situaciju. Tokom cijele ove krize mnogi građani su dobili adekvatne usluge iz naših zdravstvenih ustanova, na svim nivoima izašli zadovoljni, a mnogi građani su dobili toplu ljudsku riječ u smislu psihološke podrške. Postoje negativni primjermi, postoje i propusti, ali njih nećemo riješiti javnim sknavljenjem struke i jeftinim populizmom. Pokušajmo kontrolisati svoje riječi koje puštamo u prostor i bar na trenutak pomisliti da te riječi kod nekih ljudi mogu i potaknuti nešto što nije dobro. Svjetska zdravstvena organizacija je istakla da provedene mjere su bile pravovremene i da su usporile rast epidemijske krivulje čime je naše zdravstvo pokazalo da je kompetentno, i u vrijeme kada neke druge države za koje se smatralo da su imale bolje zdravstvene sisteme da su imale lošije rezultate u suočenju sa pandemijom od nas. Svjesni smo propusta, zato potaknimo razume stručne rasprave o kojima će na ravnopravnom nivou učestvovati kompetentni pojedinci svih nivoa zdravstvene zaštite, svih društvenih i političkih aktera a koja će rezultirati rješenjem problema i slanjem poruke da se našem zdravstvu može vjerovati. Danas više nego ikada nam treba društvena odgovornost, kolektivno razmišljanje, pronalaženje zajedničkog interesa u dobrobiti svih građana, jer ako to ne postignemo, svi ćemo izgubiti. U tu svrhu predlažem da u ime Skupštine Kantona Sarajevo donesemo deklaraciju kojom pohvaljujemo i podržavamo naše zdravstvene radnike za sve što su učinili i što čine u borbi sa pandemijom. Za tu deklaraciju molit ću da se Skupština izjasni. Tekst: razumijevajući da je ključ rješavanja i suprotstavljanja pandemiji medicinski radnici, ljekari, medicinske sestre, tehničari, sve servisne službe u zdravstvu, ovim putem Skupštini Kantona Sarajevo donosi sljedeću Deklaraciju:

Izražavamo punu podršku svim našim zdravstvenim radnicima jer su se mobilizirali i svoje kapacitete stavili u funkciju borbe protiv pandemije jer su potisnuli vlastiti strah i sa pažnjom, znanjem, empatijom pomogli svakom pacijentu, jer su odgovorno i predano pristupili organizaciji i prilagođavanju na do sada nepoznatu bolest jer su građanima vrlo jasno svojim radom poručili niste sami, jer su pokazali da su najbolji stub odbrane na prvoj liniji fronta borbe protiv nevidljivog neprijatelja, jer su svojim aktivnostima usporili i zaustavili rapidno širenje ove bolesti; na svemu ovome i više, hvala vam. U potpisu Skupština Kantona Sarajevo. Molit ću da se ovoj Deklaraciji Skupština Kantona Sarajevo izjasni.”

Zastupnik Aljoša Čampara je podnio sljedeće (citiramo): „Ja bih imao nekoliko zastupničkih pitanja prema Ministarstvu zdravlja, tačnije resornom ministru gospodinu Mesihoviću pošto su se pojavile određene informacije, odnosno špekulacije pa da imamo jasan odgovor na ove stvari koje su se dešavale, koje smo mogli pratiti u medijima u posljednjim danima.

Prvo pitanje:

1. Da li je konačno utvrđen put pacijenta? Ako jeste, pozivam vas da to javno izložite kako bi svi građani decidno znali kako izgleda taj put, šta je čija obaveza i ko je odgovoran za svaku od faza prolaska pacijenta kroz primarni, sekundarni ili tercijarni nivo zdravstvene zaštite. Ako eventualno najavljeni novi i efikasniji algoritam, odnosno put pacijenta, još uvijek niste definisali, onda nam odgovorite zašto to nije uradjeno, jer je svima jasno da je dobro definisani put pacijenta jedna od najvažnijih procedura u uspješnoj zdravstvenoj zaštiti građana KS?

Drugo pitanje ukoliko su ovi navodi neki koji su se pojavili dakle:

2. Da li je tačno da ste odlučili da sve ključne i životno važne zdravstvene procese i protokole iz sekundarne zdravstvene zaštite, namjerno naglašavam sekundarne preselite sa CUM-a Klinickog centra u Opću bolnicu? Ako je to tačno, na bazi kojih normativa i standarda ste odlučili da se Opća bolnica Dr. A. Nakaš pretvori u urgentni centar 24 sata dnevno, za više od 400 hiljada stanovnika KS, uz navodno prebacivanje dijela ljekara i medicinskih tehničara iz primarne zdravstvene zaštite koji trenutno ne rade urgentno zbrinjavanje. Ovakva odluka ako

je tačna ona bi bila zabrinjavajuća posebno zbog činjenice da Opća bolnica nema potrebne kadrovske, materijalno-tehničke i prostorne uslove za taj ozbiljan zadatak, te da joj, prema izjavi direktora nedostaju: anesteziolozi, pulmolozi, infektolozi, internisti itd. Dakle ministre da odgovorite da li ste spremni preuzeti punu odgovornost za moguće negativne posljedice eventualno ovakve odluke? Odnosno još jednom potenciram da mi tačno i precizno odgovorite da li CUM za sekundarnu zdravstvenu zaštitu građana ostaje i dalje na KCUS?

I zadnje pitanje;

3. Zašto ministre ne radi laboratorija na Veterinarskom fakultetu, kao i druge privatne laboratorije, koje su stručno i tehnički potpuno opremljene i osposobljene da vrše testiranja, i to bas u periodu kada najavljujete masovna testiranja? Mislim da smo jedini na svijetu koji su odbili ponuđenu pomoć i onemogućili rad laboratorija koje mogu imati značajnu ulogu u detekovanju i sprječavanju širenja koronavirusa. Hvala.”

Zastupnik Mahir Dević je podnio sljedeće (citiramo): “ Za današnju sjednicu imam nekoliko inicijativa koje želim da pokrenem. Prije svega, uzimajući u obzir aktuelnu situaciju oko koronavirusa u Kantonu Sarajevo i svih efekata koje će on proizvesti na budžet Kantona Sarajevo pokrećem inicijativu prema Vladi Kantona Sarajevo da razmotri i pripremi prijedlog odluke u kojoj će se u upravnim, nadzornim odborima, skupštinama javnih preduzeća i komisijama Vlade Kantona Sarajevo, znači da ukupna naknada iznosi 1,00. Da razmotri takvu vrstu inicijative na Vladi Kantona Sarajevo i da nam takav prijedlog odluke dostavi na usvajanje. Također u sklopu ove inicijative pokrećem inicijativu da se sredstva za izdavanje političkim strankama na nivou Kantona Sarajevo u početku u startu umanje za najmanje 50% u odnosu na sadašnja izdvajanja. Sljedeća inicijativa se odnosi na legalizaciju bespravno izgrađenih objekata koju pokrećem prema Ministarstvu prostornog uređenja, zaštite okoliša Kantona Sarajevo uzimajući u obzir da se u Kantonu Sarajevo nalazi veliki broj bespravno izgrađenih objekata a čiji vlasnici nisu bili u prilici da te objekte legaliziraju. Ja sam takvu inicijativu bio pokrenuo i prema prethodnoj Vladi. Cijenim da bi bilo dobro da Ministarstvo prostornog uređenja razmotri inicijativu da se donese odluka o legalizaciji bespravno izgrađenih objekata. Ukoliko je to nemoguće u ovim gradskim opštinama pošto je u toku izrada ove studije vezano za te vjetrokoridore, da se barem donese djelimična odluka koja bi se primijenila u ovim ruralnim opštinama jer u pravilu ti objekti u ovim ruralnim opštinama nisu izgrađeni na infrastrukturi, građani nisu iz materijalnog stanja i zbog neriješenih imovinsko pravnih odnosa bili u stanju da izvrše legalizaciju tih objekata. Bilo bi jako važno da jedan takav prijedlog odluke Ministarstvo pripremi u narednom periodu. I također evo pokrećem inicijativu na tragu ovoga što je uradila i kolegica Amra Kaljić a vezano je za prosvjetne radnike. Mislim da trebamo u ovoj Deklaraciji da podržimo i prosvjetne radnike i Ministarstvo za obrazovanje, nauku i mlade Kantona Sarajevo, sve prosvjetne radnike, sve učenike na vrlo uspješnoj organizaciji ONLINE nastave u Kantonu Sarajevo, svjedokom sam naravno i kao prosvjetni radnik i kao roditelj da se ulagao veliki napor da bi naša djeca nastavila i završila ovu školsku godinu. Da li da nešto posebno usvojimo ili da možda u sklopu ove Deklaracije dodamo, evo ne znam i prosvjetne radnike i uposlenike MUP-a. Mislim da bi to bila jedna dobra poruka od strane Skupštine Kantona Sarajevo da pohvalimo ove radnike o kojima smo govorili. Zahvaljujem predsjedavajući.”

Zastupnik Samir Suljević je podnio sljedeće (citiramo): “Molim vas imam nekoliko zastupničkih pitanja. Prva su upućena ministru zdravstva Mesihoviću.

1. Da li je istina da li ste upoznati da se u KCUS pokreću disciplinske prijave protiv uposlenika koji su zaraženi COVID-19?
2. U kojoj je fazi provjera bolovanja uposlenika u zdravstvu obzirom da smo proteklih dana od direktorice te ustanove saznali da ih je bilo oko 300 a potom 170. Je li to

znači da su izliječeni ili su pod pritiskom prekinuli bolovanje a da pri tom nisu izliječeni?

3. Ako nemamo analizu tih bolovanja bilo bi interesantno da nam ministar kaže koliko je tu trudnica, teških onkoloških pacijenata, oboljelih od karcinoma i drugih hroničnih nezaraznih oboljenja?
4. Da li je istina da su sve kapije u KC zaposlene i za uposlenike i da 400 uposlenika u isto vrijeme ulazi i izlazi kroz jedinu kapiju tehno ekonomskog bloka?
5. Da li se uposlenicima KC mjeri temperatura prilikom dolaska na posao i da li je KC poduzeo sve preventivne mjere zaštite?

I sljedeće pitanje je upućeno ministru zdravstva. Kako smo prije neki dan medijski pompenzno obaviješteni o rezultatima usluga i rada KC za mjesec mart 2020 godine odnosno za mjesec u kojem se tek pred kraj počelo baviti problemom virusa COVID-19 da li kao bivši direktor ove ustanove znate koliki je broj usluga na mjesečnom nivou bio te 2015 i iste uporedite sa ovim martovskim i objasniti mi čime se direktorica hvali i ima li osnova za ovim? Ako ne da vas podsjetim, ambulantnih pregleda 2015 bilo preko 50.000 a 2020 19.000. radioloških pretraga 26.900, a 2020 12.866. Evidentiranje. Ima i drugih stvari, evidentno je smanjenje skoro svih usluga. Ambulantnih pregleda iam manje za više od 60%, radioloških za 50%. U KCUS leži oko 300 pacijenata u odnosu na nekadašnjih 1200 do 1500 a za ovih pet godina povećanja su izdvajanja za KCUS u iznosu od nekoliko desetina miliona KM. Imam još dva pitanja a njih ću dostaviti pismeno i upućeni su jedno premijeru a drugo je ministarstvu saobraćaja. Hvala.”

Zastupnik Damir Marjanović je podnio sljedeće (citiramo): “Imam dva zastupnička pitanja i jednu zastupničku inicijativu.

Imam dva zastupnička pitanja i jednu zastupničku inicijativu. Prvo zastupničko pitanje ide ka Ministarstvu finansija i ministru, zahtijevam usmeni odgovor. Dana 17.04. donesena je odluka da se kreira Fond podrške privredi zbog posljedica izazvanih pandemijom korona virusa, možda je čak i ranije donesena odluka ali je dana 17.04. donesen zaključak da će u taj Fond biti prebačeno 4.435.000 KM od čega čak 2.145.000 KM čini mi se iz sredstava namijenjenih za naučno istraživački rad? Time je po meni Ministarstvo finansija donijelo jednu jedinstvenu odluku u svijetu kada u momentu kada ulažu svi u nauku, posebno u naučna istraživanja usmjerena u borbi protiv COVID-19 oboljenja, jednostavno skida novac sa naučno istraživačke djelatnosti i prebacuje za potporu koja će biti jako zanimljivo, a baš me zanima da li će otići kao i potpora recimo kladionicama itd. Zahtijevam od ministra da pojasni zbog čega je skoro 50% novca sa nauke prebačeno? Da li je to privremena mjera? I da li kroz rebalans budžeta planira da vrati taj novac?

S tim u vezi, odmah idem i sa inicijativom za koju ću tražiti da se Skupština izjasni, a to je da se po hitnome postupku u toku sljedeće sedmice raspiše konkurs za naučno istraživačke radove koji će biti usmjereni ka borbi protiv COVID19 bez obzira iz koje oblasti i da se po hitnom postupku sa preostalim sredstava a najmanje u iznosu od milion KM raspiše taj konkurs i da se ti novci dodijele projektima koji se budu prijavili. I drugo pitanje ide konkretno ministru zdravstva. Vi ste dobili uvaženi ministre dobili ste već ranije određene sugestije prvo neformalnog a poslije toga formalnog naučnog tijela vezano za mnoge tačke, bilo je deset tih sugestija, vidimo povremeno s vremena na vrijeme kroz medije vidimo da se neke od tih sugestija možda spominju ne spominju itd. Znam da Znanstveni savjet nije dobio nikakav konkretan odgovor Ministarstva. Zanima me u kojoj smo fazi, posebno zato što koliko smo dobili jučer informaciju sa Federalnog nivoa da je FBiH i krizni štab da idu u masovno testiranje i jako nam je drago da je FBiH pristala i prihvatila jednu od najbitnijih sugestija. E sada me zanima da li će se Kanton Sarajevo i Ministarstvo uopšte zvanično

očitovati po pitanju sugestija i zatražiti možda eventualno neku dodatnu elaboraciju ili mišljenja o nečemu sasvim novom vezano za rad znanstvenog tijela? Ja vam se zahvaljujem.

Zastupnica Segmedina Srna Bajramović je podnijela sljedeće (citiramo): Pa evo najprije bih zahvalila vama što ste prihvatili moju inicijativu i promptno reagovali kada je u pitanju formiranje Viber grupe. Nadam se da me čujete. Dakle ta Viber grupa, hvala vam još jednom, pokazalo se dodatni alat uspješnom realiziranju ovih naših online sjednica, zapravo samim tim pokazali smo svi zajedno da je saradnja među svima nama u ovom momentu najviši stepen odgovornosti prema građanima. Hvala još jednom.

Imam dva zastupnička pitanja i potom jedan prijedlog zaključka.

Prvo pitanje molim Vladu Kantona Sarajevo i Ministarstvo zdravstva da mi dostave podatke o svakoj pristigloj donaciji svim zdravstvenim ustanovama koje finansira Kanton Sarajevo u toku pandemije koronavirusa bilo da se radi o novčanoj donaciji, medicinske opreme, materijala ili bilo kojoj drugoj donaciji čija se sredstva koriste u suzbijanju pandemije.

Drugo pitanje odnosno zahtjev Molim Vladu KS da me obavijesti o iznosu sredstava uplaćenih na depozitni račun Kantona Sarajevo otvoren za prijem donacija za borbu protiv pandemije Corona virusa i utrošku istih, te o utrošku inicijalnih sredstava sa računa u iznosu od 720.000 KM za nabavku respiratora u saradnji sa UNDP-om.

Na osnovu člana 117 i 120 Poslovnika Skupštine Kantona Sarajevo predlažem da Skupštine Kantona Sarajevo donese sljedeće zaključke:

1. Obavezuje se Tim Vlade Kantona Sarajevo za borbu protiv korupcije i Ured za kvalitet da na osnovu člana 7 Odluke o bazi podataka o javnim nabavkama za korisnike budžeta u Kantonu Sarajevo SL novine Kantona Sarajevo 49/16 provede nadzor nad institucijama iz člana 1 Odluke a sve u vezi provedbe u skladu sa članom 5 koja nalaže institucijama da u roku od 30 dana od dana realizacije ugovora unesu tražene podatke o javnim nabavkama.
2. Obavezuje se Tim Vlade Kantona Sarajevo za borbu protiv korupcije i Ured za kvalitet da skupštini Kantona Sarajevo na svakoj radnoj sjednici dostavi informaciju o do tada poduzetim nadzorima.

Obrazloženje; Uvidom u online bazu javnih nabavki Kantona Sarajevo evidentno je da se podaci ne objavljuju u skladu sa rokom iz odluke o bazi podataka o javnim nabavkama, za korisnike budžeta u Kantonu Sarajevo, što ometa zastupnike Skupštine Kantona Sarajevo u praćenju i pravovremenom reagovanju na uočene nepravilnosti (nerazumljivo) pandemije korona virusa još više dobija na značenju zbog efektivne kontrole trošenja budžetskog novca. Zahvaljujem. Ove zaključke i pitanja dostavit ću (nerazumljivo) a mogu i slikati. Zaključak ću dostaviti na naš Viber grupu. Zahvaljujem.

Zastupnica Neira Dizdarević je podnijela sljedeće (citiramo): Ja za danas imam više zastupničkih pitanja i inicijativa i iste ću dostaviti u pisanoj formi. Usmeno ću zamoliti odgovor na dva pitanja.

Prvo pitanje jeste u kojem procentu se ostvaruje planirano punjenje budžeta Kantona Sarajevo? I kada možemo očekivati rebalans budžeta i koje su osnovne pretpostavke za isti. A drugo pitanje je upućeno ministru zdravstva Kantona Sarajevo. Da li su tačni navodi da nema terapije za onkološke pacijente na KCUS i da li je istina da su ovi teški bolesnici nakon višesatnog čekanja vraćeni kućama bez primljene terapije? Toliko hvala.

Dopredsjedavajuća Danijela Kristić je podnijela sljedeće (citiramo): Ja imam jednu inicijativu i dva zastupnička pitanja. Prva inicijativa. Ovim putem podnosim inicijativu da se privremeni prihvatni centri (Ušivak i Blažuj) adekvatno ograde, te da se obezbijedi adekvatna fizička i

tehnička zaštita, a sve u svrhu ograničenja kretanja migranata i poboljšanja opće i zdravstvene sigurnosti.

Obrazloženje: Zbog nekontrolisanog izlaska migranata iz prihvatnih centara, radi neadekvatne fizičke i tehničke zaštite, dovodi se u pitanje provedeni zdravstveni trijaža i medicinski tretman, što za rezultat može imati eskalaciju zaraze COVID – 19.

Zastupničko pitanje postavljam i tražim usmeni odgovor od ministra Mesihovića. Kako je moguće da ste UO Zavoda za zaštitu studenata imenovali gđu Muvedetu Butmir Čedić kada se zna da se protiv iste vodi krivični postupak u Kantonalnom Tužilaštvu i da je dok je obavljala funkciju direktora stručne nemedicinske discipline na godišnjem nivou ostvarivala prihod u KCUS preko 100.000 KM?

Zastupničko pitanje prema Vladi Kantona Sarajevo i Ministarstvu Kantona Sarajevo. Radi velikog interesa javnosti i transparentnosti molim vas za sljedeće informacije u vezi uplate donacija fizičkih i pravnih lica u Budžet Kantona Sarajevo za 2020.godinu u svrhu borbe protiv pandemije COVID – 19:

- Koji iznos sredstava je uplaćen od trenutka otvaranja navedenog računa do 23.04.2020.godine?
- Koja pravna lica su uplatila donacije i u kojem iznosu?
- Da li su uplaćena sredstva već utrošena, u koje svrhe i u kojem iznosu? Hvala.

Zastupnik Dževad Poturak je podnio sljedeće (citiramo): “Pitanje za ministra privrede. Da li je u srednjoročnim mjerama predviđena bilo kakva pomoć privredi na području Kantona Sarajevo za firme koje imaju pad prihoda od 20% i više i koje nemaju posla od marta mjeseca pa nadalje? Znamo da je predviđena pomoć za firme koje imaju zabranu ali šta je sa onim firmama kojima nije zabranjen rad ali u ovakvoj situaciji nemaju posla? Postoji li mogućnost da se njima pomogne sa minimalnom plaćom ili dijelom minimalne plaće? Zahvaljujem.

Zastupnik Zvonko Marić je podnio sljedeće (citiramo): “Ja bih imao nekoliko pitanje, međutim neka ću dostaviti neka ću i odmah tražim usmene odgovore da vi registrirate predsjedavajući. Prije svega budući da je vrijeme nekih krivih tokova i izvanredne situacije koju mi drugačije zovemo, ali sasvim sigurno zbog mjera koje se poduzimaju da je upravo to tj vanredna situacija. Budući da je veliko interesovanje u Klub SBB je došlo puno pitanja vezanih za maturu, za eksternu maturu i za mogućnost upisa u srednje i visoke škole tj fakultete. Molim ministra da nam usmeno kaže u kojoj fazi su sve te pripreme i šta je to novo kada je riječ o maturi, eksternoj maturi, i upisima i da da upute građanima koji su jako zainteresirani za ovaj problem. Drugo moje pitanje odnosi se na poduzeće Gras. Budući da je kod nas ovdje došla obimna dokumentacija koja se odnosi na prijem zaposlenika u Gras, evo primjerice odluka za obavljanje poslova konduktora kontrolora na određeno vrijeme, do jedne godine, po raspisanom oglasu u dnevnom listu Dnevni avaz, dana 23.01.2020 godine izabrani su sljedeći kandidati njih 22. Vrlo je simptomatično da prva 22 imaju po maksimalan broj bodova, imaju po 100, to je maksimalni a jedno od pitanja u testu za kandidate se odnosilo koliki broj imamo tramvajskih linija, poznato je svima da ima pet, međutim kao tačan odgovor usvajao se da ima 6. Kako je moguće da imaju 100 poena ako je netačan odgovor na ovo pitanje. I prema tome, ima tu još niz stvari. Također bivši direktor Šehić je bez odobrenja NO uposlio isto 12 ljudi. To je ukupno 34 koja su na vrlo problematičan način i molim da mi se odgovori na ovo pitanje koje će se mjere poduzeti uključujući i nadležne koji se bave pitanje korupcije. Moje sljedeće pitanje ili inicijativa uglavnom se odnosila na ono što je kolega Dević rekao ali i kolegica dr. Amra Junuzović Kaljić. Ja prihvatam inicijativu i podržat ćemo tu inicijativu ali ukoliko se precizira u deklaraciji da samo jedna ispravka. Svim zdravstvenim radnicima koji su se stavili na raspolaganje itd. Jer poznata je činjenica da se nisu stavili svi podjednako i da ima veliki broj otvorenih bolovanja. Bilo bi vrlo korektno da se to precizira. I uz ovo što je gospodin Dević rekao da se treba zahvaliti i svim radnicima i

(nerazumljivo) i prosvjetnim radnicima ali time otvaramo mogućnost da kažemo i policijacima jer oni požrtvovano rade i vrlo riskantne poslove, prema tome u toj deklaraciji ili da sadrži ta deklaracija ili da mi novu sličnu deklaraciju pokrenemo ili da to doktorica Kaljić na neki način ugradi i da pomene i da kaže svim onim jer znamo da nisu svi. Precizno iznošenja stvari i obraćanja onima kojih se tiče. Sve ostalo dostavit ću pisanim putem da ne oduzimam vrijeme drugim kolegama koji sigurno imaju bezbroj pitanja.

Zastupnica Bilsena Šahman je podnijela sljedeće (citiramo): Evo ja ću skratiti da ovo nadoknadim vrijeme što je moj kolega Zvonko potrošio. Imam samo tri pitanja ministru Juski. Šta je sa preostalim migrantima na ulici koji su uslovi trebaju obezbjediti i ko ih obezbjeđuje da bi se oni sklonili sa ulice? Kakvo je trenutno stanje po pitanju sigurnosti u Kantonu Sarajevo? Imate li poređenje sa istim mjesecom u prošloj godini po ovom pitanju? Za ministra Mesihovića šta ste poduzeći po pitanju nabavke lijekova za osobe sa poteškoćama u razvoju a koji su za njih od životnog značaja? To su dijazepam klizme, depakine i zašto ih tjeramo da ih nabavljaju na crno? Za ministra Krivića kako ocjenjujete dosadašnji tok online nastave? Nastavnici koriste različite platforme, snalaze se, učenici i roditelji im šalju po cijeli dan poruke, imate li namjeru to ujednačiti i urediti i kako nastavu pohađaju djeca s poteškoćama u razvoju? Oni su imali nastavu kao sa specijalnim programima. Da li njima šalžete online? I kako njima pomažete da prebrode ovaj period? Hvala.

Zastupnica Admela Hodžić je podnijela sljedeće (citiramo): Pa ja isto kao i kolegica Bilsena imam pitanje za ministra MUP gospodina Jusku. Da li ima informacije koliko je migranata od početka pandemije izazvane korona virusom prešlo u migrantske centre Ušivak i Binježevo i koliko ih trenutno tamo boravi? Da li je njihovo kretanje ograničeno i na koji način da li se kontroliše? Općenito kakva je sigurnosna situacija u migrantskim centrima i da li se pridržavaju propisanih mjera?

Sljedeće pitanje je za ministra zdravstva. Da li ima informacije koliko je migranata od početka pandemije koronavirusa u migrantskim centrima Ušivak i Binježevo testirano? Da li ima pozitivnih slučajeva= da li su migranti u ovim centrima pod stalnim nadzorom i kontrolom Ministarstva zdravstva? I na koji način se vrši kontrola i nadzor koji se odnosi na zaštitu od pandemije? Da li je i koliko izdato rješenja o zdravstvenom nadzoru samoizolaciji u prethodnom periodu migrantima u Kantonu Sarajevo? Toliko tražim na oba pitanja usmeni odgovor. Zahvaljujem.

Zastupnica Arijana Memić je podnijela sljedeće (citiramo): Moje prvo pitanje upućeno je Kantonalnom Tužilaštvu Kantona Sarajevo. Tražim da mi dostavite informaciju koliko je predmeta saobraćajne nesreće u proteklih pet godina zaključano u CMS imalo status povjerljivo? Ko donosi odluke o tome i koji su to kriteriji u saobraćajnoj nesreći koji moraju biti ispunjeni da bi se zabranio uvid u predmet kroz CMS? Konkretno koji od tih kriterija je bio ispunjen da se zabrani uvid u predmet Dženan Memić koji je u tom momentu bio klasificiran kao saobraćajna nesreća. Napominjem da je Ustavni sud BIH gospodinu Ifetu Feragetu kao punomoćnik porodice Memić 2017 godine zabranio uvid u sedam tajnih dokumenata u predmetu saobraćajne nesreće. Tražim da mi dostavite informacije o tome.

Pitanje za Tužilaštvo Kantona Sarajevo Ministarstvo zdravstva Kantona Sarajevo ljekarsku komoru Kantona Sarajevo.

Naime i pored izdate naredba od strane Kantonalnog Tužilaštva KS, obdukcija preminule gospođe Advije Kanlić još uvijek nije obavljena. Zašto i kada će biti?

Patolozi ne žele raditi obdukcije. Ljekarska komora Kantona Sarajevo oštro osuđuje stav Udruženja patologa koji kaže da se ne preporučuju obdukcije umrlih od COVID-19, a zbog nepostojanja odgovarajućih uslova za njihovu realizaciju.

Koja zdravstvena ustanova će biti kažnjena za ne izvršavanje obdukcije ko je obavio pregled, šta je utvrđen uzrok smrti i ko će biti kažnjen za kršenje odredbe da se pokop umrle osobe obavlja u vremenu od 24 do 48 sati od nastupa smrti?

Ni u zdravstvenim ustanovama ni u Tužilaštvu nema niko ko bi se usudio baviti ovim. Formalno otvoriti istragu bez provođenja obdukcije kao da ništa nije urađeno. Ukoliko ne posjedujete adekvatnu opremu za vršenje obdukcije zašto krizni štabovi i nadležna Ministarstva ne izdvoje sredstva za nabavku istih? Na kraju, postavlja se pitanje je li uopće moguće obaviti obdukciju nakon toliko vremena? Detaljnije obrazloženje dostavit ću u pisanoj formi.

Pitanje za Tužilaštvo Kantona Sarajevo. Prije više od četiri mjeseca su podnesene četiri krivične prijave nadležnom tužilaštvu, od strane advokata porodice Smajlović. Prijava protiv KCUS-a, generalne direktorice Sebije Izetbegović, pedijatrijske klinike i ljekara s pedijatrije, te prijava za pokušaj ubistva zbog odbijanja pružanja zdravstvene usluge djevojčici Nadin Smajlović. Zašto još uvijek nema tužilačke odluke? Koliko vremena je neophodno da Tužilaštvo KS ispita sve navode iz krivičnih prijava i donese naredbu o provođenju istrage?

I pitanje za Ljekarsku komoru Kantona Sarajevo.

Zašto nije sankcionisana generalna direktorica KCUS-a Sebija Izetbegović, kao i 10 ljekara koji su potpisali odbijanje liječenja djevojčice Nadin Smajlović? Porodici Smajlović ste pismenim putem odgovorili da niste nadležni za ispitivanje rada niti jedne ustanove koja se bavi pružanjem zdravstvenih usluga. Ukoliko niste nadležni, zašto se niste ogradili od tako sramnog postupanja direktorice Sebije Izetbegović i ljekara s pedijatrije, obzirom da ste se oglašavali o obdukcijama koje se ne rade i doktorici koja je rekla da ih neće obavljati, te ste najavili i pokretanje postupka.

toliko od mene. Hvala.

Zastupnica Jasna Duraković je podnijela sljedeće (citiramo): Ja imam nekoliko zastupničkih pitanja koje sam dostavila i u pisменоj formi putem maila. Evo voljela bih da mi ministar za obrazovanje nauku i mlade Kantona Sarajevo odgovori na ovih par pitanja u usmenoj formi.

Prvo, da li možemo očekivati da će se škole otvoriti do kraja tekuće školske godine tj. da će se nastava ponovo realizirati ili vratiti u učionice u osnovnim i

srednjim školama u KS? Potom da li imate neke pokazatelje o uspješnosti provođenja procesa online nastave u ovim uvjetima proglašenog stanja prirodne nesreće?

I da li mi možete dati neke projekcije kako će se ovo odraziti dugoročno na proces redovne nastave u učionici u narednom periodu kada se stanje normalizira?

Potom imam nekoliko pitanja za premijera Nenadića. Možda evo i za Krizni štab Kantona Sarajevo. Ustavni sud BiH je jučer donio odluku da se donesenim mjerama zabrane kretanja uslijed pandemije korona virusa mlađim od 18 i starijim od 65 godina potpuno krše ustavom zagwarantirana temeljna ljudska prava na slobodu kretanja i evo po tom osnovu zašto se do sada niko nije oglasio iz Vlade Kantona Sarajevo po moje dvije inicijative koje sam poslala. Dakle niti jedne riječi, slova nisam dobila a vezane su bile inicijative za ublažavanje ovih mjera upravo iz navedenog razloga. Do kad će biti na snazi mjere potpune zabrane kretanja ovim kategorijama navedenim? Da li će se one revidirati u narednom periodu zašto što Ustavni sud nalaže da se one izmjene tj ublaže u narednih pet dana.

I još nekoliko pitanja također Vladi Kantona Sarajevo i Kriznom štabu Kantona Sarajevo da evo upute ta pitanja Kriznom štabu CZ FBIH.

Zašto se ljudi koji su proveli 14 dana u karantenu u studentskom domu Bjelave, a pri tom su nakon testiranja bili negativni na COVID 19, ne puste svojim kućama? Ko je i po kojim preporukama donio novu odluku da se ovi ljudi zadržavaju do 28 dana i da li je to preporuka SZO? Zašto se ovi ljudi koji su testirali negativno ponavljam, drže u neadekvatnim uslovima dakle čuli smo putem medija da se javljaju majke sa djecom da borave u malim sobama, zaista neadekvatne loše, jako loši uslovi. Pri tom testirani su svi negativni ne puštaju se

svojim kućama. Čak im se onemogućava terapija propisana terapija koju konzumiraju zbog drugih bolesti, tipa tablete za povišen pritisak i slično. I na kraju, zašto još uvijek svi koji borave u studentskom domu Bjelave nisu testirani na COVID-19 ili nisu čak dobili rezultate nakon sedam dana od urađenih testirana. Toliko i zahvaljujem. Dakle tražim samo usmeni odgovor od Ministarstva za obrazovanje ostalo pismeno.

Zastupnik Elmedin Konaković je podnio sljedeće (citiramo): “Imam nekoliko pitanja za koja tražim usmene odgovore, a odmah ću ih mailom proslijediti na adresu skupštinske službe. Pitanja su za ministra Rasmira Mesihovića.

Ako jeste donijeli akt o reorganizaciji zdravstvenog sistema da li ste planirali za novi način rada obezbjeđiti novac ustanovama kojima nalažete novi i povećan obim rada ili ste planirali propisati povećan obim posla Opštoj bolnici, DZ i drugim ustanovama a novac da ostane KCUS i da li ste to smisli sami ili po nečijoj naredbi? Drugo pitanje, a osnovu čega ste propisali iako ne znamo da li je akt još uvijek važeći, potpisan je a vi ste u nekom medijskom nastupu rekli da nije zvaničan, prelazak uposlenika iz jedne ustanove u drugu, na članu 188 Zakona o zdravstvenoj zaštiti daje pravo da reorganizujete sistem zdravstvene zaštite ali ne da kršite druge zakone i kolektivne ugovore, da ste čak i jednog direktora čini mi se prebacili na poziciju uposlenika u nekoj od ustanova?

Pitanje za ministra Draška Jeličića, poštovani ministre znate li koji su termini proljetne sjetve i kada ona završava? I u sklopu ovog pitanja pitam vas šta ste uradili sa inicijativom PD Butmir kojom se predlaže povećan obim proljetne sjetve? Još jedno pitanje, zašto javnim pozivom niste tretirali privrednike kojima je drastično pao promet, nego samo one kojima je zabranjen rad odlukom Federalne Vlade?

Pitanje za ministra Halebića. Najavili ste Zakon o uštedama kao jednu od mjera na samom početku borbe protiv pandemije, šta se s tim zakonom dešava, te ste izjave dali na prvoj press konferenciji. Molim da nas o tome informišete.

I pitanje za komandanta štaba ministru Glamoč, znate li vi zašto građani koji se vrate iz inostranstva drže u karantinima koje ste napravili, a građane koji su u BIH za koje znamo da su imali direktan kontakt sa zaraženim drže u svojim kućama? Po kojem osnovu vi slijedite upute ovakvu brutalnu uputu ovog federalnog kriznog štaba? I samo još želim da izrazim nezadovoljstvo jer se vama gđo Glamoč vašem Ministarstvu i ministru Mesihovića mailovima obraćam danima, čak i premijera maltretiram i evo se izvinjavam on odgovara, nikada niste odgovorili ni na jedan mail koji ste direktno od zastupnika dobili. Hvala vam. Nemam više pitanja.

Zastupnik Igor Stojanović je podnio sljedeće (citiramo): “Moje prvo pitanje odnosi se na Centar Vladimir Nazor. Imam informaciju i tražim usmeni odgovor od ministar obrazovanja da se u Centru Vladimir Nazor organiziraju dežure po 7 nastavnika. S obzirom da to direktno može uticati na eventualno stvaranje novog klastera pandemije i s obzirom da se radi čak i o kršenju Zakona o radu (čl.55), kao i sa Zakonom o zaštiti na radu, zanima me da li ministar ima određene informacije i da li kontroliše organizaciju s obzirom da se radi o ustanovi i uposlenicima koji imaju i svoje porodice i postoji eventualna opasnost od zaraze pa bih volio ako ništa jednu kratku informaciju o ovom Centru šta se tamo dešava i kakvo je stanje s obzirom na specifične uslove vezano za pandemiju.

Moje drugo pitanje također tražim usmeni odgovor je za ministra privrede. Želio bih da nam on saopšti koje su to mjere kada je u pitanju ublažavanje ekonomske krize koje je on predložio vezano za trenutnu situaciju s obzirom da su projekcije na našu ekonomiju i pogotovo u Kantonu Sarajevo mogle bi biti katastrofalne. Mene zanima koje su to mjere koje je on prema Vladi Kantona Sarajevo lično predložio da čujemo?

I imam treće pitanje za koje bih tražio pismeni odgovor. Pitanje je sljedećeg sadržaja:

Kako je moguće da se realizacija projekta na rekonstrukciji bazena na Fakultetu sporta i tjelesnog odgoja (FASTO) radi suprotno u odnosu sa projektnom dokumentacijom za koju je Opština Centar izdala odobrenje za građenje 2005 pod brojem 07-23-2254/05. Sredstva za realizaciju ovog projekta u iznosu od 1.700.000 KM trebalo je da osigura Ministarstvo obrazovanja, nauke i mladih Kantona Sarajevo, a stručno tehnički nadzor nad izvođenjem radova je vršio i vrši Zavod za izgradnju Kanton Sarajevo. U obrazloženju također navodim da je "INSPEKTORAT OPŠTINE CENTAR 11.12.2019 donio je Rješenje kojem je naložio investitoru (FASTO) da otkloni nepravilnosti na obnovi bazena jer se radovi rade u suprotnosti sa odobrenjem za građenje. Inače radove izvodi firma "Handling" iz Slovenije". Pa bih molio ovdje pismeni odgovor. Hvala.

Zastupnica Vildana Bešlija je podnijela sljedeće (citiramo): Ja bih prvo htjela jedan generalno osvrt da dam vezano za odgovore na inicijative koje dobijamo, odnosno ne dobijamo. Način na koji se one prezentiraju. Znači ustaljena praksa je bila da mi dobijamo odgovore mailom kao neki abdejt a to se više ne radi izgleda. Osim toga postoje neke inicijative koje sam već poodavno podnijela ali nisam dobila nikakav odgovor. S tim u vezi samo bih kratko ponovila sličnu inicijativu kao što je kolegica Jasna već spominjala. To sam već skoro mjesec dana, 27.03 sam podnijela inicijativu vezano za osobe starije životne dobi, 65+ koja je vezana i za inicijativu koja se odnosi na TVSA. Nisam dobila odgovor. Mene interesuje da li je Vlada Kantona Sarajevo našla za shodno da podnese odnosno da da neku inicijativu prema Federalnom kriznom štabu po ovom osnovu iako već znamo sada šta je sud rekao ali me interesuje da li je ova Vlada išta poduzela po tom pitanju. Dalje u nastaviti sa mjerama koje smo mi kao Klub Naše stranke uputili prije tačno mjesec dana. Mi nismo dobili nikakav odgovor. Da li se nešto učinilo po tom pitanju, da li je nešto od toga uvaženo ili ne? Interesuje me konkretno šta je sa tim? Molim Vladu zaista za one stvari koje dostavljamo pismeno, za koje se zaista potrudimo, koje smatramo da su jako važne da se na osnovu i tog uložnog truda i namjere koju imamo da nam se adekvatno i odgovori, da li su nešto uradili ili ne? Također imam inicijativu na koju sam dobila odgovor sa kojom nisam zadovoljna, a tiče se pitanja koje sam uputila prema Apotekama Sarajevo, kako je moguće da lijek Lioresal koji koriste oboljeli od multiple skleroze a plaća se u punom iznosu u Apotekama Sarajevo košta 33,85 KM dok u Luprilu njegova cijena iznosi 17,5 KM kada je uvoznik (nerazumljivo). Odgovor koji sam dobila kaže da su se Apoteke Sarajevo kroz vremenski period prilagodili snižavanju cijena od strane proizvođača i tako svojim pacijentima obezbijedili lijek po nižoj cijeni. Mene interesuje kojeg datuma je došlo do snižavanja cijene Lioresala od strane proizvođača? Tražim da mi odgovorite koliko je trajao ovaj vremenski period snižavanja cijene lijeka Lioresal u Apotekama Sarajevo do momenta sniženja fabričke cijene lijeka? Kako je moguće da jedna privatna apoteka brže uradi umanjenje cijena od apoteke Sarajevo? Kojeg datuma je bila nivelacijske cijene lijeka u Apotekama Sarajevo? Također tražim informaciju o potrošnji Lioresala u 2019 i navedenim prihodom od prodaje ovog lijeka kao i informaciju na mjesečnom nivou o potrošnji i prihodu od prodaje u periodu od 01.01.2020 do kraja marta kao i stanje zaliha ovog lijeka datumom snižavanja. Također ostala pitanja ne znam je li imam dovoljno vremena ali evo da ne bih, još bih spomenula ono što je posebno važno u ovoj situaciji s obzirom da javnim pozivom za privrednike nisu obuhvaćeni privrednici kojima je promet smanjen za 20% i više a radi se o Kanton Sarajevo ako mi nećemo kao Kanton koji ima budžet blizu milijardu imati neke jače mjere prema privrednicima, onda se pitam koji je to Kanton u stanju a znamo da se moramo nasloniti na mjere Federacije tako da smatram da treba se objaviti novi poziv koji će obuhvatiti i ove privrednike. Ostale inicijative i pitanja ću dostaviti u pisanoj formi. Hvala vam.

Dopredsjedavajući Vibor Handžić je podnio sljedeće (citiramo): "Imam nekoliko inicijativa i pitanja pa ću krenuti da ne gubim vrijeme. Dakle, 03.03. čini mi se da je bila 22 Radna

sjednica Skupštine Kantona Sarajevo podnio sam inicijativu prema Ministarstvu saobraćaja za izgradnju vidikovca za turističke autobuse i grupe i predložio sam i lokaciju Put mladih muslimana cesta. Moram priznati da sam jako neprijatno bio iznenađen odgovorom Ministarstva koje sam dobio nakon mjesec i po dana a to je da se obratim Direkciji za puteve Kantona, Direkciji koja je sastavni dio, direkcija je unutar resora samog ministarstva saobraćaja. Ne znam zašto sam gubio mjesec i po dana. Pa evo poslat ću tu inicijativu Direkciji za puteve. Pitanje jedno za ministra Juska. Zanima me koliko je do sada izdato prekršaja i prikupljeno sredstava vezano za kršenje mjera zabrane od strane kriznih štabova. Govorim kršenje policijskog sata, napuštanje izolatorija, propisane samoizolacije i u koju svrhu e se ta prikupljena sredstva dalje koristiti. Molim premijera ili za koga drugog on smatra da je adekvatan da odgovori na to pitanje, nešto je o tome govorili moja kolegica Duraković i kolega Konaković, molim usmeni odgovor. Pošto jako puno dobivam pitanja od ljudi koji su naši građana koji su još uvijek u inostranstvu i boje se da krenu nazad u BIH jer nemaju jasne informacije po tom pitanju vezano za studentski dom na Bjelavama. Samo da se jasno građanima objasni procedura. Šta se dešava kada se pređe granica, koliko se zadržava građanin u šatorskom naselju, kada se upućuje u kantonalne izolatorije, i koliko na kraju ljudi ostaju u izolaciji u studentskom naselju Bjelave da li je to 14 da li je 28 dana, da li se počelo raditi testiranje u skladu sa saopštenjem koje je izdato prije neki dan da će se raditi tri testiranja u roku 14 dana ljudi koji se nalaze u izolatoriju na Bjelavama? Da li je puštanje ranije građana koji su došli iz Italije u odnosu na 28 dana praksa i pravilo ili je to samo bio jedan incidentna slučaj?

Nadalje imam pitanje i tražim usmeni odgovor nadovezujem se na svog kolegu Marića ali samo prema drugom resoru, prema ministrici Glamoč. Ministrici komunalne privrede i infrastrukture da mi odgovori da li će i na koji način postupati prema nepravilnostima i nezaklonostima koje smo dobili u zvaničnim dopisima komunalnih preduzeća VIK i RAD prema bivšim direktorima tih preduzeća koji su danas, ironija je, punomoćnici u skupštinama ta dva preduzeća i da mi odgovori da li je po njoj primjereno i da li je sukob interesa da bivši direktori tih preduzeća koji su danas punomoćnici u skupštinama razmatraju vlastite izvještaje iz 2019 godine a bili su ja mislim i pola čak godine 2019 još uvijek direktori tih preduzeća? Ostalo ću sve dostavit pismeno. Zahvaljujem.

Zastupnik Damir Nikšić je podnio sljedeće (citiramo): “Da odmah pređem na stvar. Ja sam poslao više inicijativa i pitanja za ovu sjednicu na koja tražim pismene odgovore. Ovo zastupničko pitanje sam napisao nešto prije a sekretarijat ga je zaprimio 16 aprila na njega tražim usmeni odgovor resornog ministra. Nakon što sam dobio pismeni odgovor advokata jednog drugog ministra sa drugog nivoa vlasti gdje sam javno postavio ista pitanja, a ona glase.

- Da li ste upoznati s tim da je u Avazu šef pravne službe testiran pozitivan na koronavirus te da je po navodima kako uposlenika tako ljekara neko vrijeme bio u kontaktu sa cijelom redakcijom ne prijavivši nikom od kolega da je pozitivan.
- Da li ste upoznati s tim da su uposlenici zvali sve preporučene brojeve da prijave njegovo neodgovorno ponašanje, zvali su policiju koja im je rekla najbolje da se obrate novinarima?
- Da li ste upoznati s tim da je pet dana nakon njega testiran pozitivan i direktor?
- Da li su i kada su poduzete propisane mjere i koje? Koliko vremena je prošlo od pozitivnog rezultata prvozarađenog i testiranja radnika?
- Da li je i kada je zgrada bila zatvorena da li je dezinficirana i da li su i kada su svi radnici koji vjeruju da su došli u kontakt sa zaraženim testirani na koronavirus?

Obrazloženje:

Kontaktiran sam od strane uposlenika koji tvrde da su u strahu da javno progovore o ovome kao građanski zastupnik u Skupštini Kantona Sarajevo dužan sam reagovati i izvijestiti Skupštinu i Vladu Kantona i tražiti odgovore i odgovorne zastupajući ne samo ljudska građanska i radnička prava već i zdravstvenu sigurnost svojih sugrađana u vrijeme epidemije smrtonosnog virusa i stanja prirodne nesreće. S obzirom da u redakciji kako sam informisan i dalje radi 30 radnica i radnika kojima nije omogućen rad od kuće, i koji moraju dolaziti na posao u neizvjesnosti tj u neznanju da li su zaraženi ili ne, mislim da ih je u najmanju ruku potrebno hitno testirati. Ovakvo nefunkcionisanje ili funkcionisanje sistema zaslužuje da se oštrim kritikama koje dolaze od javnosti pridružimo i mi zastupnici, jer naprosto sramotno je i nedopustivo je da se ovako nešto dešava uposlenicima bilo kojeg preduzeća ili institucije, javne ili privatne, da ih se nakon slučaja kompanije Igman i dalje na isti nekažnjen način dovodi u životnu opasnost od strane nadređenih. Iz ovog slučaja se također vidi da je prijeko potrebno instruirati policiju da adekvatno reaguje a potrebno je informisati, tj podsjetiti imenovane dužnosnike izvršne vlasti na svim nivoima kao i njihove privatne ili druge advokate da ni na koji način pa ni javnim prijetnjama sudskim tužbama ne bi smjeli intimidirati ometati izabrane skupštinske zastupnike, tj parlamentarce bilo kojeg nivoa zakonodavne vlasti u obavljanju njihovog posla, ispunjavanju građanskih i zastupničkih dužnosti, među kojima je informisanje kako u javnosti tako i imenovanih dužnosnika izvršne vlasti o situaciji na terenu u trenucima prirodne nesreće. Da ne pominjem da nama parlamentarcima dužnost njegovati čuvati i boriti se za slobodu informisanja koja predstavlja čitav korpus građanskih prava. Znači intimidiranje i ometanje našeg rada ne bi smjelo biti mjesta u parlamentarnoj demokratiji. Opet napominjem ovo je pisano i isporučeno 16 aprila. Tako da je vjerovatno i nadam se sada već outdated i da su poduzete mjere ali bih volio da znam ko je i kada, koji je rok bio da mi usmeno odgovori koji je bio rok, koliko je dana prošlo između (nerazumljivo) i da li će iko imati biti prijavljen radi toga što je tajio da je zaražen? Hvala.

Zastupnik Elvedin Okerić je podnio sljedeće (citiramo): “Imam dva pitanja. Prvo pitanje se odnosi na premijera ili ministra finansija za koje tražim usmeni odgovor. Zbog transparentnosti interesa javnosti molim vas da mi odgovorite u vezi uplate donacija fizičkih i pravnih lica budžet Kantona Sarajevo za 2020 u svrhu borbe protiv pandemije COVID-19 koji iznos sredstava je do sada uplaćen, koja pravna lica su uplatila i u kojem iznosu? Da li su uplaćena sredstva već utrošena? U koje svrhe i u kojem iznosu? Tražim usmeni odgovor. I još jedno pitanje za premijera Nenadića. Da li Kanton Sarajevo ima ikakve nadležnosti kada su u pitanju mjere za ublažavanje negativnih ekonomskih posljedica ili je neophodno za sve ili većinu mjera čekati donošenje Zakona na nivou FBiH? Hvala.

Zastupnik Vedran Jakupović je podnio sljedeće (citiramo): “Imam jako puno pitanja, dosta ćemo ih postaviti obzirom da je riječ o temama tokom sjednice, i tražit ćemo usmeni odgovor naravno. Mada je uobraženo, ja ću postaviti pitanje dijelom je obrađeno u ovom Izvještaju koji smo dobili, pitanje Gerontološkog centra detaljnu informaciju o tome šta se dešavalo kada je riječ o Gerontološkom centru o jednoj zarađenoj štíćenici koja je prijavljena i kako je riješeno? Da li su postojali propusti po pitanju organizacije službe, dakle detaljan izvještaj šta se to dešavalo u Gerontološkom centru pošto je riječ o 350 štíćenika. Drugo pitanje vezano je za zdravstvene radnike koji su zaposlili preko Zavoda za zapošljavanje preko projekta i trenutno imaju finansijsku nadoknadu koja ne odgovara radu i problemima u radu koje donosi koronavirus. Riječ je o ljudima koji su angažovani u rubna područja Kantona. Ne plaća im se ni prevoz, tako da zanima me postoji li mogućnost evo prema DZ da se riješi status tih radnika. Većina njih je u DZ u Ilijašu. Pitanje ne znam hoće li kolega Vreto postaviti vezano je za njegovu inicijativu koju smo mi svi usvojili 25 februara a odnosi se autoškole. Dokle je, obzirom da je Skupština usvojila tu inicijativu kolege Vrete, kada će Ministarstvo obrazovanja

u čijoj nadležnosti su autoškole donijeti izmjene po pitanju taksi za autoškole. Ja ću ponoviti još jednom svoju inicijativu koja je vezana za rekonstrukciju i asfaltiranje Apelove ceste koja ide od naselja Pogledine prema tačnije od ulice Dolovi prema cilju Bob staze direktno na Trebević koja je direktno jedina veza Kanton Sarajevo sa Trebevićem, obzirom da imamo situacije kakve imamo, građani žele da idu moguće su, evo imali smo policijski sat u RS, prošli vikend, tako da ne znamo šta će se dešavati. Evo još jedna od prilika da se pokrene priča da se ova cesta asfaltira i uredi obzirom da je ona dosta sređena ali jednostavno treba da se tako kažem finalno završi i asfaltira da ne bi propada dalje. Evo zadnje pitanje vezano za jednu poruku Udruženja frizera. Zanima me ko uređuje firzure da kažem i našim zastupnicima ako imamo u vidu da je zabranjen rad frizerskim salonima?

Zastupnica Jasmina Bišćević-Tokić je podnijela sljedeće (citiramo): I ja bih imala dva pitanja na koja bih molila da mi usmeno odgovore tačnije ministrica za rad i socijalnu politiku da li je tačna informacija da je direktor Službe za zapošljavanje zaposlio predsjednika svog NO. Te ću tražiti i pismeno kroz inicijativu da mi ministrica za rad dostavi od 01.09.2019 godine sve ugovore koje su zaključeni na određeno i neodređeno vrijeme u Službi za zapošljavanje. Sljedeće pitanje koje imam za ministra privrede. Molim tačno da mi kaže kolika je suma novca izdvojena ispred Vlade Kantona Sarajevo za podršku poljoprivredi? I ukupno da kaže koliko su izdvojili sredstava vezano općenito za sektor privrede. Zahvaljujem predsjedavajući.

Zastupnik Haris Pleho je podnio sljedeće (citiramo): “Ja imam dva pitanja koja upućujem za ministarstvo privrede i Vladu. Molim usmeni i pismene odgovore.

Najljubaznije vas molim da mi odgovorite šta su vaše ministarstvo i Vlada poduzeli na planu ublažavanje posljedica izazvana koronavirusom u oblasti poljoprivrede, budući daje ovo vrijeme kada poljoprivrednici moraju obaviti svoje radove, prije svega mislim na poticajne mjere u sjemenu i novčane poticaje i da li je taj segment urađen po zakonskim propisima u prvom redu mislim na transparentnost u podjeli poticaja i drugo koliki je iznos pomoći predviđen u poticaj u poljoprivredi?

Drugo pitanje također upućujem Ministarstvu privrede. Obzirom da je jedna od najpogodnijih privrednih grana turizam, a ne trebam da podsjećam koliki je broj zaposlenika ostao bez posla. Pitam vas šta ste poduzeli da amortizirate teške posljedice za ovu privrednu granu? Zahvaljujem.

Zastupnik Amel Mekić je podnio sljedeće (citiramo): “Ministre Alikadiću vidio sam da navaljujete javni poziv za sportske klubove pa podnosim inicijativu da se javni poziv realizuje u kratkim rokovima i da obuhvati sportske klubove a posebno klubove i udruženja koji rade sa mladima i finansiraju se isključivo od članarina. Mnogo je takvih udruženja. Molim vas da djelujete čim prije. Eto to je to. Hvala vam.

Zastupnica Samra Čosović-Hajdarević je podnijela sljedeće (citiramo): Pokrećem inicijativu prema Ministarstvu kulture i sporta da pokrene proceduru istraživanja tržišta sa ciljem prikupljanja informacija o višekratnim perivim maskama koje mogu sportisti koristiti u svojim aktivnostima, te u skladu sa mogućnostima da pokrene proceduru nabavke kako bi iste podijelili svim sportistima i trenerima u Kantonu Sarajevo. Radi se o maskama koje su namjenski napravljene za sportiste i ne ugrožavaju protok kisika prilikom treninga i takmičenja. Moje obrazloženje je: Obzirom da države u regionu koje su već u silaznoj putanji pandemija koronavirusa najavljuju početak određenih sportskih manifestacija iskreno se nadamo da će u BiH kao i KS desiti ista situacija. Kako struka najavljuje duži vremenski period ćemo biti obavezni koristiti maske u rukavice u svakodnevnom životu. Ove obične

maske koje imamo nisu za redovnu upotrebu ne mogu biti korištene u trenažnom i takmičarskom procesu jer nemaju dovoljnu popustljivost kisika. Zahvaljujem.

Zastupnik Elvis Vreto je podnio sljedeće (citiramo): “Želim da se zahvalim prije svega kolegi Vedranu koji je napomenuo da je Skupština Kantona Sarajevo 25.02. usvojila inicijativu kojom se mijenja odluka o visini takse za registraciju auto škola. I sada postavljam pitanje ministarstvu za obrazovanje u čijoj je nadležnosti to, kada će provesti tu odluku, odnosno kada će je objaviti u službenim novinama ili jesu li već to učinili? Drugi je odgovor na pitanje kolege Vedrana po pitanju frizura. Evo ja ću dati svoj lični odgovor. Ošišala me supruga pa eto nadam se da to nije previše strašno iako nije frizer po struci, nadam se da neću morati u samoizolaciju 14 dana dok se frizura ne popravi. Dalje osvrnuo bih se na pitanje kolege Vibora Handžića. Ukoliko ima nejasnoća vezano za odluku o punomoćnicima koje je donijela Skupština u prethodnoj godini, Skupština ima pravo zahvaljujući mom amandmanu i možda i cijeloj toj nekom neslaganju oko te odluke, danas se ona pokazuje koliko i na koji način je štetno da je Skupština Kantona Sarajevo i mi zastupnici potpuno isključena iz procesa. Međutim jedan amandman daje mogućnost zastupnicima ukoliko su određena imenovanja mimo određenih procedura, imena nisu u skladu sa odlukom da ih Skupština može svojim zaključkom intervenirati odnosno tražiti da se to ime povuče kao punomoćnik. Sada naravno zavisi, ovo postavljam pitanje nadležnom Ministarstvu koje je predlagač, a Vlada je usvojila da li je to još uvijek na snazi da li je došlo do projekcije izmjena punomoćnika s obzirom na činjenicu da oni imaju mogućnost malte ne u roku 24 sata povući izdato rješenje o punomoćniku ili imenovati novo lice itd. Evo nadam se da ću dobiti taj odgovor. Još ću se osvrnuti, nadam se da imam vremena na odgovor koji sam dobio vezano za objavu imena lica koja krše mjere samoizolacije po rješenju izdatom od nadležnost organa. Moram istaći da je to bilo svrsishodno do perioda do 05 aprila kada je definitivno riješeno to pitanje određivanje mjesta Bjelave ako prinudnog mjesta za izolaciju. Međutim zabrinjava odgovor jedne od najvažnijih institucija kao što je KUCZ kojim mi se odgovara i poziva na rješenje Agencije za zaštitu ličnih podataka. Zašto zabrinjava. Zato što nisu na pravi način protumačili Rješenje Agencije za zaštitu podataka koja je zabranila objavu imena za ljude koji su pozitivni na COVID kao i ljude koji naše građane koji poštuju mjere po rješenju o samoizolaciji. Eto toliko predsjedavajući.

Zastupnik Sead Milavica je podnio sljedeće (citiramo): “Ja ću evo postaviti tri pitanja. Dva su vezana za zdravstvo, odnosno tri su vezana za zdravstvo a za privredu ću postaviti kada bude ta tačka dnevnog reda.

Prvo pitanje da li su formirani timovi za uzimanje uzoraka u kućnim uslovima u DZ i Zavodu za javno zdravstvo Kantona Sarajevo? Od kada i koliko ih ima? Drugo pitanje šta je sve nabavljeno do zaštitne opreme do sada iz sredstava ZZO Kantona Sarajevo? I kako je pravljena distribucija? Moje treće pitanje upućujem dr Aidi Pilav šefici kriznog štaba jel? Molim vas ja sam u posjedu jednog dokumenta ovdje imam ispred sebe jedan dokument o donaciji ako se ne varam 430.000 maski koje podijeljeno ispred institucije javnog zdravstva. Imam spisak svih javnih ustanova koje su to dobile, i privatnih klinika koje su to dobile. Moje pitanje glasi po kojim kriterijima se vodila dr. Pilav kada je ovo dodjeljivala? Jel to bio neki abecedni red eventualno i zašto u JU u kojima su dodijeljene ove donacije nema JU Apoteke Sarajevo? Hvala.

Zastupnik Senad Hasanović je podnio sljedeće (citiramo): “Evo za ovu sjednicu ja imam dva pitanja. Prema Ministarstvu zdravstva, prvo pitanje kakva je koordinacija sa migrantskim centrima u Kantonu Sarajevo? I drugo pitanje kakve su informacije i instrukcije poslate prema diplomatskim i konzularnim sjedištima u Kantonu Sarajevo? Molio bih za usmeni odgovor ako je to moguće. Zahvaljujem.

Zastupnik Sabahudin Delalić je podnio sljedeće (citiramo): “Imam jednu inicijativu prema Ministarstvu kulture i sporta da analizira stanje svih sportskih resursa u KS, količinu korisnika njihovih usluga u periodu junu-decembar 2019. Godine, te napravi plan stvaranja adekvatnih uslova za nesmetan nastavak trenažnog i takmičarskog procesa. Zahvaljujem.

Predsjedavajući je podnio sljedeće (citiramo): “Koristim i ja svoje pravo zastupničko da postavim pitanje odnosno inicijativu. Ja ću podnijeti inicijativu da se zaključak Skupštine Kantona Sarajevo broj:01-04-3436-6/20 od 25.02.2020.godine stavi van snage a da se usvoji kao novi kao u prilogu ove inicijative. Ja ću zastupnicima to proslijediti putem maila i na sljedećoj sjednici ću tražiti da se o ovoj inicijativi izjasnimo. Obzirom da nemamo više prijavljenih zastupnika za pitanja i inicijative, molim premijera i članove Vlade da se pripreme odgovore istih a ja ću pročitati koliko smo imali usmenih odgovora. Traženo da se usmeno odgovori: Bešlija Vildana usmeno, Čampara Aljoša usmeno, Dizdarević Neira usmeno, Duraković Jasna usmeno, Handžić Vitor usmeno, Hasanović Senad Usmeno, Hodžić Admela usmeni odgovor, Jakupović Vedran usmeni odgovor, Junuzović Kaljić Amra izjašnjenje o Deklaraciji. Ja vas molim šefove klubova da kontaktirate doktoricu Junuzović – Kaljić Amru na vaše prijedloge da se u toku dana izjasnimo o deklaraciji. Ne mora biti na ovoj tački dnevnog reda, možemo svakako između nekih tačaka da se izjasnimo kada uskladite deklaraciju. Elmedin Konaković e tražio usmeni odgovor, Kristić Danijela, Marić Zvonko, Marjanović Damir, Milavica Sead, Nikšić Damir, Okerić Elvedin, Pleho Haris, Poturak Dževad, Srna Bajramović Segmedina. Zaključak je ponudila i usmeni odgovor. Stojanović Igor usmeni odgovor. Suljević Samir usmeni, Šahman Bilsena usmeni i Vreto Elvis usmeni. Ukoliko sam nekoga preskočio, molim da se javite u Viber grupi. Također vas pozivam da svoje zaključke sada proslijedite na Viber grupu kako bi o istima se mogli izjasniti pojedinačno. A molim premijera i članove Vlade da pristupe odgovorima na postavljena pitanja. Pretpostavljam, ko se prvi javlja. Može uvaženi ministar Mesihović, izvolite.”

Odgovore na pitanja zastupnika i zastupnica dali su ministar Rusmir Mesihović, Prof. Dr.Aida Pilav, ministar Ismir Jusko, ministar Jasmin Halebić, ministrica Glamoč, premijer Mario Nenadić.

Nakon obraćanja određenog broja ministara na zahtjev Damira Nikšića uslijedila je pauza u trajanju od 35 minuta.

Predsjedavajući je informisao da će pauza trajati do 13,20.

NASTAVAK NAKON PAUZE (snimak drugi dio)

U nastavku online sjednice predsjedavajući je pozvao ostale ministre i ministrice da se obrate i daju odgovore na pitanja koja su tražila usmeni odgovor. Zastupnicima su se obratili ministar Draško Jeličić, ministrica Jasna Agić, ministar Anis Krivić i ministar Adi Kalem.

Nakon obraćanja ministara i ministrice Agić, nezadovoljstvo odgovorom imali su Neira Dizdarević, Bilsena Šahman, Amra Junuzović Kaljić, Sead Milavica, Damir Nikšić, Samir Suljević, Elmedin Konaković, Damir Marjanović, Vitor Handžić, Vedran Jakupović, Elvis Vreto i Vildana Bešlija.

Nakon podnosešnja pitanja i inicijativa uslijedilo je izjašnjavanje po predloženim zaključcima. Prvi zaključak koji je razmatran bio je prijedlog Segmedine Srne Bajramović.

ZASTUPNICE I ZASTUPNICI SU SE IZJASNILI PUTEM VIBER GRUPE ZA OVAJ ZAKLJUČAK I NAKON GLASANJA KONSTATOVANO JE DA JE SKUPŠTINA JEDNOGLASNO (33 „ZA”) USVOJILA ZAKLJUČAK KAKO JE I PREDLOŽEN:

- Obavezuje se Tim Vlade Kantona Sarajevo za borbu protiv korupcije i Ured za kvalitet da na osnovu člana 7. Odluke o bazi podataka o javnim nabavkama za korisnike Budžeta u Kantonu Sarajevo (Službene novine Kantona Sarajevo 49/16) provede nadzor nad institucijama iz člana 1. Odluke, a sve u vezi provedbe Odluke u skladu sa članom 5. koja nalaže institucijama da u roku od 30 dana od dana realizacije ugovora unesu tražene podatke o javnim nabavkama.
- Obavezuje se Tim Vlade Kantona Sarajevo za borbu protiv korupcije i Ured za kvalitet da Skupštini Kantona Sarajevo na svakoj radnoj sjednici dostavi informaciju o do tada poduzetim nadzorima

AD – 2.

PRIJEDLOG ZAKONA O IZMJENI I DOPUNAMA ZAKONA O INSPEKCIJAMA KANTONA SARAJEVO

Prijedlog su zastupnici i zastupnice dobili u dopunskom materijalu.

Premijer Mario Nenadić je, kako je naveo iz proceduralnih razloga povukao ovu tačku dnevnog reda.

AD – 3.

PRIJEDLOG ODLUKE O DAVANJU SAGLASNOSTI NA IZMJENE I DOPUNE FINACIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2020. GODINU I NA ODLUKU O IZMJENAMA I DOPUNAMA ODLUKE O IZVRŠAVANJU FINACIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2020. GODINU

Materijal su zastupnici i zastupnice dobili/le uz poziv za sjednicu.

Direktor ZZO Kantona Sarajevo Sakib Katana je podnio uvodne napomene, a nakon njegovog obraćanja otvoren je prostor za pitanja. Pitanja vezana za ovaj prijedlog odluke imali su zastupnik Elmedin Konaković, zastupnik Elvis Vreto, dopredsjedavajuća Kristić Danijela, zastupnik Senad Hasanović, zastupnik Igor Stojanović, zastupnica Segmedina Srna Bajramović, zastupnik Elvedin Okerić, Damir Marjanović, zastupnik Vedran Jakupović, zastupnik Mahir Dević i zastupnica Admela Hodžić.

Direktor ZZO Kantona Sarajevo Sakib Katana je dao odgovore na postavljena pitanja i nakon njegovog obraćanja otvorena je diskusija po ovom Prijedlogu odluke. U diskusiji su učestvovali zastupnik Elmedin Konaković, zastupnik Igor Stojanović, zastupnik Elvis Vreto, zastupnica Vildana Bešlija, zastupnik Damir Marjanović, zastupnik Vedran Jakupović, zastupnik Sead Milavica, zastupnik Damir Nikšić, zastupnik Mahir Dević i zastupnica Jasmina Bišćević Tokić.

Skupštini se u toku diskusije obratio i premijer Mario Nenadić.

NAKON ISCRPLJENE LISTE PRIJAVLJENIH ZA DISKUSIJU PREDSEDavajući JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA IZMJENE I DOPUNE FINANCIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2020. GODINU I NA ODLUKU O IZMJENAMA I DOPUNAMA ODLUKE O IZVRŠAVANJU FINANCIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2020. GODINU.

NAKON PREBROJAVANJA GLASOVA PUTEV VIBER GRUPE KONSTATOVANO JE DA JE SKUPŠTINA VEĆINOM GLASOVA (20 “ZA”, 15 “PROTIV”) DONIJELA OVU ODLUKU.

Zastupnica Neira Dizdarević je izrazila sumnju u glasanje i zatražila je pojeđinano izjašnjanje.

Pojeđinačno izjašnjanje provela je sekretarka Skupštine Aida Zeković:

Aljović Hamed ZA

Bešlija Vildana PROTIV

Bišćević-Tokić Jasmina ZA

Čampara Aljoša ZA

Čelik Mirza ZA

Ćosović-Hajdarević Samra ZA

Delalić Sabahudin ZA

Dević Mahir ZA

Dizdarević Neira PROTIV

Duraković Jasna PROTIV

Handžić Vibor PROTIV

Hasagić Amra ZA

Hasanović Senad ZA

Hodžić Admela ZA

Jakupović Vedran PROTIV

Junuzović-Kaljić Amra ZA

Kerla Bibija ZA

Konaković Elmedin PROTIV

Krstić Danijela PROTIV
Marić Zvonko ZA
Marjanović Damir PROTIV
Mekić Amel PROTIV
Memić Arijana PROTIV
Milavica Sead ZA
Nikšić Damir PROTIV
Okerić Elvedin PROTIV
Pecikoza Fahrudin ZA
Pleho Haris ZA
Poturak Dževad ZA
Srna- Bajramović Segmedina PROTIV
Stojanović Igor PROTIV
Suljević Samir PROTIV
Šahman Bilsena ZA
Viteškić Smiljana ZA
Vreto Elvis ZA

NAKON POJEDINAČNOG IZJAŠNJAVANJA KONSTATOVANO JE DA JE SKUPŠTINA SA 20 GLASOVA „ZA” I 15 „PROTIV”, USVOJILA ODLUKU O DAVANJU SAGLASNOSTI NA IZMJENE I DOPUNE FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2020. GODINU I NA ODLUKU O IZMJENAMA I DOPUNAMA ODLUKE O IZVRŠAVANJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2020. GODINU.

Nadalje, predsjedavajući je pozvao zastupnike da se izjasne po predloženom zaključku zastupnika Elvise Vrete: „Zadužuje se Zavod zdravstvenog osiguranja Kantona Sarajevo, da shodno trenutnoj situaciji sa pandemijom, najdalje u roku od 15 dana dostavlja kratku informaciju Vladi i Skupštini Kantona Sarajevo o stanju u Zavodu zdravstvenog osiguranja po pitanju ostvarenja prihoda, kao i po pitanju realizacije rashoda sa posebnim osvrtom na sredstva namijenjena za nabavku medicinske, sanitetske opreme i respiratora, kao i da u slučaju potrebe hitno uputi u proceduru nove izmjene i dopune Finansijskog plana Zavoda zdravstvenog osiguranja za 2020. godinu.”

Zastupnici i zastupnice su se izjasnili putem viber grupe i njih 33 je glasalo “za”, dok su zastupnik Samir Suljević i Igor Stojanović bili suzdržani. Zaključak Elvise Vrete je usvojen većinom glasova.

U nastavku, zastupnice i zastupnici su se izjasnili po predloženom zaključku zastupnika Seada Milavice:

“Obavezuje se Ministarstvo zdravstva i Zavod zdravstvenog osiguranja Kantona Sarajevo, da nabavku respiratora i ostale medicinske opreme, namijenjene za borbu protiv korona virusa, vrši putem UNDP, uz potpunu transparentnost ovakvih nabavki.”

Sekretarka Skupštine Aida Zeković je provela pojedinačno izjašnjavanje:

Aljović Hamed ZA

Bešlija Vildana SUZDRŽANA

Bišćević-Tokić Jasmina ZA

Čampara Aljoša ZA

Čelik Mirza ZA

Ćosović-Hajdarević Samra ZA

Delalić Sabahudin ZA

Dević Mahir ZA

Dizdarević Neira SUZDRŽANA

Duraković Jasna SUZDRŽANA

Handžić Vibor SUZDRŽAN

Hasagić Amra ZA

Hasanović Senad ZA

Hodžić Admela ZA

Jakupović Vedran PROTIV

Junuzović-Kaljić Amra SUZDRŽANA

Kerla Bibija ZA

Konaković Elmedin PROTIV

Krstić Danijela PROTIV

Marić Zvonko ZA

Marjanović Damir SUZDRŽAN

Mekić Amel PROTIV

Memić Arijana PROTIV

Milavica Sead ZA

Nikšić Damir SUZDRŽAN

Okerić Elvedin PROTIV

Pecikoza Fahrudin ZA

Pleho Haris ZA

Poturak Dževad ZA

Srna - Bajramović Segmedina SUZDRŽANA

Stojanović Igor SUZDRŽAN

Suljević Samir SUZDRŽAN

Šahman Bilsena ZA

Viteškić Smiljana ZA

Vreto Elvis ZA

NAKON POJEDINAČNOG IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA USVOJILA ZAKLJUČAK ZASTUPNIKA SEADA MILAVICE. („ZA,, JE GLASALO 19, „PROTIV” 6, „SUZDRŽANIH” 10).

AD – 4.

PRIJEDLOG ODLUKA O DODJELI JAVNIH PRIZNANJA KANTONA SARAJEVO

Predsjedavajući je informisao sljedeće:

- Odbor za javna priznanja Kantona Sarajevo utvrdio je tekst Javnog poziva za dodjelu priznanja Kantona Sarajevo na sjednici održanoj 5.03.2020. godine, koji je bio objavljen 6.03.2020.godine u trajanju od 10 dana na zvaničnoj web stranici Kantona Sarajevo, u dnevnim listovima „Avaz“ i „Oslobođenje“, te svakodnevno oglašavan na TVSA do 16.03.2020.g u skladu sa zakonskim propisima.

Po zatvaranju javnog poziva:

- Odbor je na sjednici održanoj 19.03.2020.godine razmatrao pristigle prijave sa obrazloženjima - pristiglo 14 prijava - 1 neblagovremena, kao i prijedloge Odbora neposredno -(5 prijava), te u skladu sa Zakonom o javnim priznanjima Kantona Sarajevo i Poslovníkom o radu Odbora, donio jednoglasno sljedeće odluke :

Gospodin Čedomir Jovanović proglašava se Počasnim građaninom Kantona Sarajevo zbog izuzetnih zasluga u širenju istine o dešavanjima u našoj zemlji i za doprinos razvijanju međunarodnih odnosa na načelima solidarnosti, demokratičnosti i tolerancije među ljudima različitih nacija,vjera i kultura.

Da se Plaketa Kantona Sarajevo dodjeli sljedećim pojedincima:

- Gospodinu Željku Komšiću, kao priznanje za doprinos odbrani i opstanku države Bosne i Hercegovine od agresije, te unapređenju društvene zajednice i afirmaciji temeljnih vrijednosti svih građana bez obzira na naciju i vjersku pripadnost.
- Gospodinu Radetu Zoranoviću, kao priznanje za doprinos u širenju istine o godinama agresije, te promociji zajedništva na području Kantona Sarajevo i Bosne i Hercegovine.
- Gospodinu Slaviši Šućuru, kao priznanje za izuzetan doprinos u odbrani države Bosne i Hercegovine od agresije, te zalaganju za dobrobit svih etničkih i religijskih zajednica koje u njoj žive.

Da se kolektivna Plaketa Kantona Sarajevo dodjeli:

- Javnoj ustanovi "Treća gimnazija" Sarajevo, kao priznanje za izuzetan doprinos razvoju odgojno-obrazovnog sistema u Kantonu Sarajevo i Bosni i Hercegovini, te podsticanju i razvijanju kreativnosti, ličnih sposobnosti i tolerancije među mladima.
- Javnoj ustanovi "Fond Memorijala Kantona Sarajevo", kao priznanje za doprinos razvoju Kantona Sarajevo u oblasti naučno-istaživačkog rada, društvenih djelatnosti i umjetnosti.
- Radničkom kulturno-umjetničkom društvu "Proleter" iz Sarajeva, kao priznanje za doprinos u izučavanju, njegovanju i afirmaciji bogate kulturne baštine svih naroda Bosne i Hercegovine.

Te da se Plaketa Kantona Sarajevo, posthumno, dodijeli:

- Gospodinu Suadu Ćupini, posthumno, kao priznanje za višegodišnje uspješno djelovanje, iznimna postignuća i nemjerljiv doprinos razvoju sporta u Kantonu Sarajevo i afirmaciji države Bosne i Hercegovine.

Prijedloge Odluka sa obrazloženjima su zastupnici i zastupnice dobili/le u materijalu za 24. Radnu sjednicu Skupštine Kantona Sarajevo, obzirom da se iste dostavljaju Skupštini Kantona Sarajevo na verifikaciju, u skladu sa članom 6. Zakona o javnim priznanjima Kantona Sarajevo.

Predsjedavajući je predložio da se vodi jedinstvena diskusiju, a izjašnjavanje jedinstveno za sve dodijeljene nagrade. Predsjedavajući je dao ovaj prijedlog na glasanje i nakon glasanja konstatovano je da je Skupština sa 34 "za" i 1 "suzdržanim" usvojila ovaj prijedlog.

Otvorena je diskusija po ovoj tački dnevnog reda i u njoj su učestvovali zastupnik Elmedin Konaković, zastupnik Vedran Jakupović, zastupnik Igor Stojanović, zastupnik Samir Suljević, zastupnik Segmedina Srna Bajramović, zastupnik Damir Nikšić, zastupnik Aljoša Čampara, dopredsjedavajući Vibor Handžić, zastupnica Jasna Duraković, zastupnik Damir Marjanović, zastupnik Elvis Vreto, zastupnica Amra Junuzović-Kaljić.

Na prijedlog zastupnika Konakovića zastupnici i zastupnice su pozvane da se izjasne o stavljanju van snage zaključka koji je usvojena na početku realizacije ove tačke, da se glasa u paketu o prijedlogu odluka o dodjeli javnih priznanja. Zastupnici i zastupnice su glasali i nakon glasanja konstatovano je da ovaj prijedlog nije dobio potrebnu većinu sa (17 „za”, 15 „protiv” i 3 „suzdržana”).

U NASTAVKU PREDSEDVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O VERIFIKACIJI

**ODLUKE O DODJELI JAVNIH PRIZNANJA KANTONA SARAJEVO U PAKETU.
NAKON GLASANJA, KONSTATOVANO JE DA JE SKUPŠTINA JEDNOGLASNO
(35 „ZA”) VERIFIKOVALA ODLUKU O DODJELI JAVNIH PRIZNANJA
KANTONA SARAJEVO U PAKETU.**

AD – 5.

**PRIJEDLOG ODLUKE O DAVANJU SAGLASNOSTI ZA POTPISIVANJE
UGOVORA O KUPOPRODAJI NEKRETNINA U SKLADU SA ČLANOM 23.
ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I
TRANSVERZALE, DIONICA KRANJČEVIĆEVA-BARE-HOTONJ**

Prijedlog su zastupnici i zastupnice dobili/le u dopunskom materijalu.

**S OBZIROM DA NIJE BILO PRIJAVLJENIH ZA PITANJA I DISKUSIJU,
PREDSJEDAVALA JE POZVAO ZASTUPNIKE I ZASTUPNICE DA PRISTUPE
IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA
POTPISIVANJE UGOVORA O KUPOPRODAJI NEKRETNINA U SKLADU SA
ČLANOM 23. ZAKONA O EKSPROPRIJACIJI FBIH U SVRHU IZGRADNJE
SAOBRAĆAJNICE I TRANSVERZALE, DIONICA KRANJČEVIĆEVA-BARE-
HOTONJ.**

**NAKON GLASANJA, KONSTATOVANO JE DA JE SKUPŠTINA JEDNOGLASNO
(35 „ZA”) DONIJELA OVU ODLUKU.**

AD – 6.

**PRIJEDLOG ODLUKE O DAVANJU SAGLASNOSTI ZA ZAKLJUČIVANJE
UGOVORA O PRENOSU PRAVA VLASNIŠTVA I POSJEDA NA NEKRETNINAMA
IZMEĐU ZAVODA ZA IZGRADNJU KANTONA SARAJEVO SA JEDNE STRANE I
KJKP "POKOP" D.O.O. SARAJEVO SA DRUGE STRANE BEZ NAKNADE**

Prijedlog su zastupnici i zastupnice dobili/le u dopunskom materijalu.

Direktor Zavoda za izgradnju Mirza Hulusić se obratio zastupnicima i zastupnicama kako bi ukazao na tehničku grešku u ovom prijedlogu odluke: Imao sam malo problem s komunikacijom nisam čuo šta je premijer rekao. Međutim, Mirza Hulusić je direktor Zavoda za izgradnju. Tehnička greška se najvjerojatnije odnosi na jednu riječ u nacrtu ugovora koja je ustvari pravopisna tehnička greška koja je u nacrtu dokumenta gdje je došlo prilikom kucanja dokumenta greška. Trebalo je pisati „zakupoprimac” a mislim da piše „zakupodavac” i to je u materijalima navedeno u mišljenju pravobranioca. Što naravno mi ćemo usvojiti bez potpisivanja dokumenata bez ikakve rezerve ukoliko Skupština da saglasnost da izvršimo prenos vlasništva nad ovim nekretninama koje su predložene u materijalu sa Zavoda za izgradnju Kantona Sarajevo na JKP Pokop.

S OBZIROM DA NIJE BILO PRIJAVLJENIH ZA PITANJA I DISKUSIJU, PREDSEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA ZAKLJUČIVANJE UGOVORA O PRENOSU PRAVA VLASNIŠTVA I POSJEDA NA NEKRETNINAMA IZMEĐU ZAVODA ZA IZGRADNJU KANTONA SARAJEVO SA JEDNE STRANE I KJKP "POKOP" D.O.O. SARAJEVO SA DRUGE STRANE BEZ NAKNADE.

NAKON GLASANJA, KONSTATOVANO JE DA JE SKUPŠTINA JEDNOGLASNO (35 „ZA“) DONIJELA OVU ODLUKU.

AD – 7.

PRIJEDLOG PROGRAMA RADA SKUPŠTINE KANTONA SARAJEVO ZA 2020. GODINU

Materijal su zastupnici i zastupnice dobili/le uz poziv za sjednicu.

Uvodne napomene podnio je predsjedavajući Skupštine Mirza Čelik: „S obzirom da je predlagač programa rada Skupštine Kolegij dozvolite mi da iznesem par uvodnih napomena. Prijedlog programa rada Skupštine za 2020 godinu utvrdio je Kolegij Skupštine na sjednici 10.04.2020 godine a na osnovu Nacrta programa rada Vlade koji je osnov za pravljenje program rada Skupštine. Ukoliko danas usvojimo program rada Skupštine, isti će biti dostavljen Vladi i Vlada će na osnovu nešeg programa rada napraviti svoj program rada i praktično će biti istovjetan program rada Vlade i program rada Skupštine. Tako da ćemo i mi izvršavajući naš program rada pratiti rad Vlade odnosno da li Vlada dostavlja materijale onako kako je predviđeno programom rada. Imali smo nekoliko amandmana na Prijedlog programa rada Skupštine Kantona Sarajevo. Dozvolite mi da pročitam pošto je Kolegij predlagač možemo uzeti u razmatranje sve amandmane, o tome se ne mora Kolegij izjasniti, mogu se i zastupnici izjasniti. A ja ću vama sada proslijediti putem viber grupe sve prijedloge amandmana i molim da se poslije rasprave da se izjasnite. A evo molim zastupnike da pristupe za prijedloge amandmana klubova kako bi mogli o istim i razmatrati da budu sastavni dio Programa rada Skupštine Kantona Sarajevo za 2020.godinu.”

S obzirom da nije bilo pitanja i diskusije, predsjedavajući je podsjetio da se poslovnički Skupština mora prvo izjasniti po amandmanima, a nakon toga o Prijedlogu programa rada Skupštine Kantona Sarajevo.

Amandman I Kluba Naroda i pravde, dopredsjedavajuće Danijele Kristić:

„da se u Program rada Skupštine Kantona Sarajevo za 2020 godinu uvrsti održavanje tematske sjednice u oblasti zdravstva u Kantonu Sarajevo, nosilac posla Ministarstvo zdravstva Kantona Sarajevo, rok juni.”

Amandman II

„da se u Program rada Skupštine za 2020 godinu uvrsti održavanje tematske sjednice koja će donijeti rješenje za KK Bosna nosilac posla Ministarstvo kulture i sporta, rok juli.”

III Amandman dopredsjedavajuće Kristić

„da se u program rada Skupštine Kantona Sarajevo za 2020 godinu uvrsti održavanje

tematske sjednice o procesu inkluzije sa posebnim osvrtom na proces inkluzivnog obrazovanja, nosilac posla Ministarstvo za obrazovanje, nauku i mlade, rok septembar.”

PREDSJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O AMANDMANIMA UVAŽENE DOPREDSJEDAVAJUĆE KRISTIĆ.

NAKON GLASANJA, KONSTATOVANO JE DA JE SKUPŠTINA SA (33 „ZA” I 1 „PROTIV”) USVOJILA PREDLOŽENE AMANDMANE.

Izjašnjenje o prijedlogu amandmana za Program rada Skupštine Kantona Sarajevo za 2020. godinu uvaženog zastupnika Nikšić Damira.

Amandman I

OBLAST PROSTORNOG UREĐENJA GRAĐENJA I ZAŠTITE OKOLIŠA

1. normativni dio uvrstiti i Zakon o progresivnom oporezivanju zgrada iznad visine od 7 spratova, naročito u zonama urbanih ventilacionih koridora, rok juli nacrt, septembar prijedlog.

PREDSJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O AMANDMANIMA ZASTUPNIKA NIKŠIĆA.

NAKON GLASANJA, KONSTATOVANO JE DA JE SKUPŠTINA SA (33 „ZA”) USVOJILA PREDLOŽENI AMANDMAN.

NAKON GLASANJA PO AMANDMANIMA, PREDJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU PROGRAMA RADA SKUPŠTINE KANTONA SARAJEVO ZA 2020. GODINU.

NAKON GLASANJA, KONSTATOVANO JE DA JE SKUPŠTINA JEDNOGLASNO (34 „ZA”) DONIJELA PROGRAM RADA SKS ZA 2020.GODINU.

Na kraju ove tačke Skupština se izjasnila o sljedećoj Deklaraciji:

„Prije svega svim zdravstvenim radnicama i radnicima koji su se stavili na raspolaganje, mobilizirali se i svoje kapacitete stavili u funkciju borbe protiv pandemije, potisnuli vlastiti strah i sa pažnjom, znanjem, empatijom pomogli svakom pacijentu, odgovorno i predano pristupivši organizaciji i prilagođavanju na do sada nepoznatu bolest, vrlo jasno poručujući građanima da nisu sami i pokazujući da su najbolji stub odbrane na prvoj liniji fronta borbe protiv nevidljivog neprijatelja, aktivno usporavajući i zaustavljajući rapidno širenje ove bolesti; ali ništa manje i našoj policiji, prosvjetnim i komunalnim radnicama i radnicima, novinarkama i novinarima, državnim službenicama i službenicima, svim članovima civilne zaštite, radnicama i radnicima u maloprodaji, hrabrim taksitkinjama i taksistima, vatrogascima i drugim požrtvovanim djelatnicama i djelatnicima, koji svojim predanim i profesionalnim radom i djelovanjem doprinose ublažavanju teških posljedica

izazvanih pandemijom Coronavirusa, Skupština Kantona Sarajevo želi odati priznanje i zahvalnost.

Pored ostalog, pomenuti djelatnici sudjeluju u stvaranju svijesti da smo svi, uključujući i freelancere i umjetnike koji su se svojim radom od kuće, kao i sve savjesne građanke i građane, djecu, penzionere koji su se svojim ostankom kod kuće priključili zajedničkoj borbi, zaslužni i ravnopravni borci protiv pandemije Coronavirusa.”

Podnositelji inicijative zastupnici Skupštine Kantona Sarajevo.

SKUPŠTINA JE OVU DEKLARACIJU USVOJILA JEDNOGLASNO (34 „ZA”).

AD – 8.

PROGRAM OBILJEŽAVANJA DANA KANTONA SARAJEVO OD 02.05. DO 09.05.2020. GODINE

Program su zastupnici i zastupnice dobili/le u dopunskom materijalu.

S OBZIROM DA NIJE BILO PRIJAVLJENIH ZA PITANJA I DISKUSIJU, PREDSEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PROGRAMU OBILJEŽAVANJA DANA KANTONA SARAJEVO OD 02.05. DO 09.05.2020. GODINE.

NAKON GLASANJA, KONSTATOVANO JE DA JE SKUPŠTINA JEDNOGLASNO (33 „ZA”) DONIJELA PROGRAM OBILJEŽAVANJA DANA KANTONA SARAJEVO OD 02.05. DO 09.05.2020. GODINE.

AD – 9.

INFORMACIJA VLADE KANTONA SARAJEVO I ŠTABA CIVILNE ZAŠTITE KANTONA SARAJEVO, O PODUZETIM AKTIVNOSTIMA PO RESORIMA U VEZI SPOROVOĐENJA MJERA RADI SPRJEČAVANJA ŠIRENJA ZARAZNE BOLESTI KORONAVIRUS

Materijal su zastupnici i zastupnice dobili/le uz poziv za sjednicu.

Premijer Mario Nenadić je podnio uvodne napomene po ovoj Informaciji.

/JAVLJA SE NOVINAR TVSA KOJI NAJAVLJUJE DA SE PREKIDA PRENOS SKUPŠTINE KS ZBOG DNEVNIKA KS. Nema snimka/

NASTAVAK TREĆEG DIJELA SNIMKA

Direktorica Zavoda za javno zdravstvo Aida Pilav se obratila zastupnicima i zastupnicima i to obraćanje je sadržano u stenogramu.

Zatim je ministrica Nihada Glamoč imala uvodno izlaganje, a nakon nje Skupštini su se obratili i ministar Anis Krivić, ministrica Jasna Agić, ministar Adi Kalem, ministar Ismir Jusko i ministar Jasmin Halebić (UVODNA IZLAGANJA SU SASTAVNI DIO INFORMACIJE DOSTAVLJENE U MATERIJALU).

Nakon obraćanja ministara i ministrica, otvoren je prostor za pitanja i diskusiju. Pitanja su postavili sljedeći zastupnici i zastupnice: Bibija Kerla, Smiljana Viteškić, Danijela Kristić, Admela Hodžić, Elmedin Konaković, Zvonko Marić, Damir Marjanović, Segmedina Srna Bajramović, Vedran Jakupović, Jasna Duraković, Vildana Bešlija, Neira Dizdarević, Elvis Vreto, Handžić Vibor, Jasmina Bišćević-Tokić i Damir Nikšić. Odgovore na postavljena pitanja dali su ministar Ismir Jusko, ministar Kenan Alikadić, premijer Mario Nenadić, ministrica Nihada Glamoč, ministrica Jasna Agić, inistar Anis Krivić, ministar Adi Kalem, Direktor Zavoda za javno zdravstvo Aida Pilav i ministar Jasmin Halebić.

(svi odgovori su sadržani u stenogramu ove sjednice)

Nakon obraćanja ministara i ministrica otvorena je diskusija i u njoj su učestvovali: Elmedin Konaković, Damir Marjanović, Samir Suljević, Zvonko Marić, Damir Nikšić, Vedran Jakupović, Elvis Vreto i Jasmina Bišćević-Tokić.

Kada je iscrpljena lista prijavljenih za diskusiju predsjedavajući je konstatovao da je ova Informacija primljena k znanju.

AD – 10.

INFORMACIJA O UBLAŽAVANJU POSLJEDICA PANDEMIJE KORONAVIRUSA NA PRIVREDU U KANTONU SARAJEVO SA PRIJEDLOGOM MJERA

Informaciju su zastupnici i zastupnice dobili/le u dopunskom materijalu.

Ministar privrede Draško Jeličić imao je uvodno izlaganje po ovoj Informaciji. Nakon njegovog izlaganja otvoren je prostor za pitanja.

Pitanja po ovoj Informaciji imali su zastupnica Bibija Kerla, zastupnik Sead Milavica, zastupnik Vedran Jakupović, dopredsjedavajuća Danijela Kristić, dopredsjedavajući Vibor Handžić, zastupnik Elvis Vreto, zastupnik Zvonko Marić i zastupnica Bilsena Šahman.

Odgovore na pitanja dali su ministar Draško Jeličić i ministar finansija Jasmin Halebić i isti su sadržani u stenogramu ove sjednice.

Nakon odgovora, otvorena je diskusija i u njoj su učestvovali: zastupnik Samir Suljević, zastupnik Elvedin Okerić, Bibija Kerla, zastupnik Elmedin Konaković, zastupnik Damir Nikšić, zastupnica Vildana Bešlija i zastupnica Bilsena Šahman.

NAKON DISKUSIJE BILSENE ŠAHMAN, KONSTATOVANO JE DA NEMA VIŠE PRIJAVLJENIH ZA DISKUSIJU TE DA JE INFORMACIJA PRIMLJENA K ZNANJU.

Predsjedavajući Mirza Čelik je uputio čestitke povodom mjeseca Ramazana te zaključio rad na 24. Radnoj sjednici Skupštine Kantona Sarajevo.

Zapisnik izradila:
Jasminka Deliahmetović

**SEKRETAR
SKUPŠTINE KANTONA SARAJEVO**

Aida Zeković, dipl. pravnik

**PREDSJEDAVAJUĆI
SKUPŠTINE KANTONA SARAJEVO**

Dr. Mirza Čelik

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.